

E takatū ana a *Toi Tū Toi Ora: Contemporary Māori Art* ki te whakaoho i te marea i tēnei Raumati



Lisa Reihana *Ihi* (still) 2020,
Commissioned by
Regional Facilities Auckland.

E whakaatu ana a Toi o Tāmaki i tēnei whakaaturanga rongomaiwhiti o ngā toi Māori o nāianei ki tētahi whakakitenga nui ka tuwhera ā te Rāhoroi 5 o Hakihea.

I roto i te whakaaturanga nui rawa kua whakaaturia e Toi o Tāmaki, mā *Toi Tū Toi Ora: Contemporary Māori Art* e whai tirohanga ai ki te whanaketanga o te toi Māori mai i ngā tau 1950 ki tēnei rā. He whakaaturanga nui tuatahi i ngā tau 20 kua hipa a *Toi Tū Toi Ora*, e whai mōhio ana mai i te tirohanga a te Māori ki tōna ao, ā, ka whai wāhi ngā mahi toi neke atu i te 300, e tūhura ana i ngā kōrero ahurea tuku iho, te mātauranga Māori, te tuakiritanga me te tūrangawaewae.



Fiona Pardington *Davis Kea Wings* (above), 2015. Courtesy of the Artist and Starkwhite, Auckland.

Horapa i ngā tau 70 ngā mahi a ngā ringatoi 111 e whakaaturia ana e *Toi Tū Toi Ora*, he ohonga wairua, he wero hoki kia whakatinanahia tētahi anamata e toitū tonu ai – toi tū – e ora tonu ai – toi ora – te toi Māori o Nāianei i te wā e whakaū tonutia ana te mōhiotanga me ngā ariā e whakakaha nei i te mātauranga Māori.

Ka whakaaturia ngā mahi toi rongonui a ētahi o ngā ringarehe toi o Aotearoa – Ralph Hotere, rātou ko Lonnie Hutchinson, Robyn Kahukiwa, Mere Harrison Lodge, Merata Mita, Buck Nin, Fiona Pardington, Michael Parekowhai, James Ormsby, Lisa Reihana, Rachael Rakena, Peter Robinson, Wi Taepa, Cliff Whiting, Arnold Manaaki Wilson, Pauline Yearbury, me ētahi atu – tāpiri atu ki a *Toi Tū Toi Ora* ko ngā waituhi, tāraitanga, mahi tārua, mahi uku, taonga whakarākei tinana, whakaahua, toi matihiko, kiriata, me te toi puni.

Hei tā Nigel Borell (Pirirākau, Ngāi Te Rangi, Ngāti Ranginui, Te Whakatōhea), te ringaraupō o ngā Toi Māori o Toi o Tāmaki: 'He mea whakarite a *Toi Tū Toi Ora* i runga i ngā kōrero tuku iho a te Māori mō te orokohanga hei whakaurunga ki ngā kōrero mō te hiranga o ngā toi Māori me ōna ringatoi, ā, me te tūhura he aha te mea e whakakotahi ana i ēnei ringatoi puta noa i ngā ao maha, wā maha hoki.'

I te wā e tiroiro ana ngā manuhiri i te whakaaturanga, ka kuhu hāngai rātou ki ngā kōrero o te orokohanga, tīmata mai i Te Kore, i mua o te haerenga ki Te Pō, kātahi ki te wehenga o Ranginui rāua ko Papatūānuku i mua o te putanga ki Te Ao Mārama.'

E kī ana a Kirsten Lacy, te kaitohutohu o Toi o Tāmaki: 'He whakaaturanga hihiri, āhuareka hoki tēnei, e pūmau ana te Taiwhanga ki te whakanui i tētahi kaupapa toi motuhake, whaitake hoki, i roto i te horopaki o Aotearoa me te ao whānui. He rite te toi Māori o nāianei ki te ahurea Māori, arā, he ahurei, he hihiri, he kanorau hoki. He whakahoutanga waiwai a *Toi Tū Toi Ora* ki ngā kōrero toi o tō tātou motu. E pōwhiri ana mātou i ngā tāngata katoa o Aotearoa kia tū whakahī tātou i te auatanga Māori me te tūhura i ngā kōrero o te orokohanga Māori mā tētahi tirohanga hou. He whakaaturanga kore utu tēnei hei pārekarekatanga mā te katoa, ā, e tūmanako ana mātou ka hahana te ngākau i te wehenga atu.'

Hei te roanga o te whakaaturanga, ka huraina e *Toi Tū Toi Ora* ētahi mahi toi whakahirahira hou, i tonoa e ngā ringatoi puta noa i Aotearoa.

Kei roto i ngā mahi tono nei, ko tētahi whakaaturanga pāhekoheko i te wāhanga whakarata whānau o te Taiwhanga arā te Pokapū Ako Auaha nā Charlotte Graham; he toi puni hou nā Ana Iti kei te parehua tāraitanga o waho a te Taiwhanga, e hono ana i te Taiwhanga ki te Pāka o Arapeta; He mahi toi whakahirahira hou nā Reuben Paterson ka whakairia ki te puna o te ātea o te Taiwhanga hei tērā tau.

Kei te Taiwhanga Raki o te Taiwhanga Matua tētahi toi puni nā Emily Karaka, ā, ka noho koinei tana mahinga toi nui rawa atu. Waihoki, ko ngā matapihi o te Taiwhanga Tonga o te Taiwhanga Matua te wāhi e kitea ai tētahi toi puni muramura, e rua papanga te teitei, nā Sandy Adsett, e whakamahi ana i ngā tauira kōwhaiwhai mō tana mahi e kīia nei ko *Puhoro*, 2020.

Kua waihangatia tētahi toi puni hou, e rua papanga te teitei mō Hine-nui-te-pō e Te Kohinga Mata Aho, i te taha i te ringatoi Maureen Lander; ā, kei te whakairinga tawhito o Mackelvie o te Taiwhanga, kua raupitia e Shane Cotton tētahi whakaaturanga e whakanoho ana i ngā mahi a ngā ringa toi o nāianei i te taha o ngā kohinga toi tawhito o te Taiwhanga.

Ko ētahi atu mahi toi matua hou ka whakaatutia mō te wā tuatahi, kua waihangatia e Reweti Arapere; Shona Rapira-Davies; Matekino Lawless rāua ko Christina Hurihia Wirihana; Te Rongo Kirkwood; Ngataiharuru Taepa; Areta Wilkinson me ētahi atu.

Ka whakatūria ngātahitia tēnei whakaaturanga ki te whakaaturanga whāiti o *Toi Tū Toi Ora* i te rohe o Britomart, i whanaketia i te taha o Britomart Group, kei roto ngā mahi toi tūmatanui hou nā Shane Cotton, rātou ko Lonnie Hutchison, Charlotte Graham me Lionel Grant.

He mea tautoko te whanaketanga o tēnei whakaaturanga e Haerewa, te rōpū Tohutohu Toi Māori o Toi o Tāmaki. Hei tā Elizabeth Ellis te tumu o Haerewa, 'Kua roa e tāria ana tētahi whakaaturanga tirohanga whānui pēnei te tiketike i Aotearoa, ā, e whakatinana ana i ngā wawata mō te Taiwhanga. Mā *Toi Tū Toi Ora: Contemporary Māori Art* e maea ai ngā toi moroki Māori ki ngā hāpori Māori me te marea hoki, hei whakanuitanga, hei whakahiapotanga.'

Mō ētahi atu kōrero, whakaahua, tono uiui, whakapā atu ki a

Samantha McKegg
Āpiha Whakawhiti Kōrero
Auckland Art Gallery Toi o Tāmaki

+64 21 548 480
samantha.mckegg@aucklandartgallery.com
aucklandartgallery.com

Toi Tū Toi Ora: Contemporary Māori Art

Āwhea

Rāhoroi 5 o Hakihea 2020 ki te Paengawhāwhā 2021

10am–5pm ia rā hāunga te Kirihimete

Ki whea

Auckland Art Gallery Toi o Tāmaki
koko o ngā Tiriti o Kitchener me Wellesley
Tāmaki Makaurau, Aotearoa

Urunga

KORE UTU

Toi Tū Toi Ora: Contemporary Māori Art Ngā ringatoi

Sandy Adsett	Ngaahina Hohaia	Kāterina Mataira	Peter Robinson
Hiria Anderson	Rangituhia Hollis	Gina Matchitt	Emily Schuster
Reweti Arapere	Ralph Hotere	Para Matchitt	Maree Sheehan
Margaret Aull	John Hovell	Matthew McIntyre- Wilson	Huhana Smith
Erena Baker	Lonnie Hutchinson	John Miller	Kereama Taepa
Gabrielle Belz	Ana Iti	Heperi Mita	Ngataiharuru Taepa
Israel Tangaroa Birch	Robert Jahnke	Merata Mita	Wi Taepa
Buster Black	Robyn Kahukiwa	Neke Moa	Tawera Tahuri
Chris Bryant-Toi	Leilani Kake	Linda Munn	Kelcy Taratoa
Tangimoe Clay	Eugene Kara	Claudine Muru	Shannon Te Ao
Paerau Corneal	Emily Karaka	Selwyn Muru	Jasmine Te Hira
Shane Cotton	Natasha Keating	Manos Nathan	Te Maari
Natalie Couch	Rangi Kipa	Buck Nin	Saffron Te Ratana
Davina Duke	Te Rongo Kirkwood	James Ormsby	Donna Tupaea- Petero
Bethany Edmunds	Jimmy James	Rona Ngahuia Osborne	Colleen Waata Urlich
Vanessa Wairata Edwards	Kouratoras	Fiona Pardington	Dorothy Waetford
Zena Elliott	Lily Laita	Michael Parekowhai	Taika Waititi
Elizabeth Ellis	Maureen Lander	Reuben Paterson	John Walsh
John Bevan Ford	Matekino Lawless	Nova Paul	Marilynn Webb
Jacqueline Fraser	Randal Leach	Matt Pine	Cliff Whiting
Darryn George	Jeremy Leatinu'u	Nathan Pohio	Gary Whiting
Steve Gibbs	Janet Lilo	Rachael Rakena	Areta Wilkinson
Star Gossage	Mere Harrison	Shona Rapira- Davies	Arnold Manaaki Wilson
Brett Graham	Lodge	Aimee Ratana	Selwyn Wilson
Charlotte Graham	Dan Mace	Lisa Reihana	Christina Hurihia
Fred Graham	Hemi Macgregor	Bridget Reweti	Wirihihana
Lyonel Grant	Toi Te Rito Maihi	Kura Te Waru Rewiri	Pauline Yearbury
Ayesha Green	Mata Aho Collective	Baye Riddell	
Ngahuia Harrison	Erena Baker	Natalie Robertson	
Chris Heaphy	Sarah Hudson		
	Bridget Reweti		
	Terri Te Tau		

Toi Tū Toi Ora Whakatuwheratanga

Rāhoroi 5 o Hakihea – 11am kia ahiahi rawa

Huihuitia mai ō hoa me te whānau ka whakanui i te whakatuwheratanga tūmatanui mō *Toi Tū Toi Ora: Contemporary Māori Art*. Tatū noa ki te tūhura haere i te whānuitanga o te whakaaturanga puta noa i te Taiwhanga, noho pārekareka i ngā kanikani hou, te kapa haka, ngā taonga puoro, kai hāngī, me ngā puoro mataora.

Tirohia a aucklandartgallery.com mō ngā taipitopito.

Toa o Toi o Tāmaki

shop.aucklandartgallery.com

E wātea ana i te toa o Toi o Tāmaki te whānuitanga o ngā taonga me ngā taputapu i whakaaweawetia e ngā āhuatanga hoahoa o te wā, ngā whakaaturanga o te wā, me ngā kohinga o te Taiwhanga. Ko ngā hua o te hoko ka haere katoa ki te tautoko i a Toi o Tāmaki.

Hei whakanui i a *Toi Tū Toi Ora: Contemporary Māori Art*, e wātea ana i te toa o te Taiwhanga tētahi kohinga taonga motuhake ki te kohinga nei, tae atu ki ētahi taonga nā Kereama Taepa, Tangimoe Clay, Te Rongo Kirkwood me Davina Duke. Ka wātea hoki ētahi taonga raranga, pounamu, uku me ngā taonga i hangaia e te ringa nā ngā ringatoi o nāianeī, tae atu ki ētahi rawa motuhake a te Taiwhanga e whakaatu ana i ngā mahinga toi o te whakaaturanga.

Kua hangaia hoki e te toa o te Taiwhanga ētahi tārua kōhatu taparere i te taha i a Zena Elliott.